

八瓊室金石補正

八瓊室金石補正卷七十九

太倉陸增祥撰

男 繼輝校錄

吳興劉承幹覆校

後梁

經幢二種

長壽寺宏哲尊勝幢記

高二尺三寸三分六面廣二寸各三行行字大小均不

一正書
在洛陽

佛頂尊勝陀羅尼

□子歲九月上旬九日有故 內殿講論普明大師賜

紫宏指俗姓李壽年七十二僧五十二遷化於 洛京

長壽寺 大師名傳海內誨導諸方誘勸百千万人懇
說三乘五性回緣將畢掩質禪插雖 佛性無去無來
奈色身有去有住門人內講論大德德□四年募道什
角從 師空思法乳之恩不覩 □悲之相遂收舍利
於灰中建幢壘於山寺同學師弟 內講論大德匡符
從行江浙被歷辛勲及歸 帝都駕鵠義斷建幢刻石
用爲不朽 開平二年六月十四日記

右幢前刻尊勝咒建幢僧德□德下一字右半似
包佛性之性添註於旁募募字之譌朽乃朽字之
誤

龍興寺鄭義尊勝等經幢記

下截斷缺高存一尺四寸三分八面面積三寸

一分四行第八面五行行存字
不一字徑四分正書在許州

佛頂尊勝陀羅尼真言

三行在弟一面
上方字徑六分

千手千眼觀世音菩薩廣大圓滿无障尋大悲心陀羅

尼神妙章

下缺

施龍興寺新羅漢堂永爲供養

許州游郭保

下缺

竊聞慈尊住世教演西天示現去來法傳東夏摩騰遠

降

□ 漢明具瞻祐善五嶽以招呼

下缺

憂劣於當初顯

靈通於

聖日鴻臚驛伴遂置三壇白馬寺前俱

焚二教是以慈雲高張於下之無盡今有滎陽施主

武甯軍□□□親王元從鄭義家寄瑕邱□當許下夙

懷鄭重建下鐫大悲心靈文佛頂而同時慶讚功圓而

刻就願心既滿今已荅酬佛有慈悲納斯上善妻王氏

男下福祐於家門保□榮於永世貞明三年歲次丁丑

十一月壬子朔二十六日辛丑敬佛弟子鄭義下

右鄭義造幢在許州關帝廟不見撰書人名訪碑

錄有造龍興寺石幢記卽此其以爲鄭義撰書殊

誤鄭義乃建幢人也下截斷折以經文計之每行

約缺十六七字褚善當是諸善之謫優劣作憂古

字憂懼之憂本作惡優游之優本作憂畔作伴古

通通鑑目錄是年十一月丙子朔此書壬子碑蓋

誤丙爲壬也廿六日辛丑則朔日丙子無疑

崇福侯廟記

開平二年

萃編載卷一百

崇福侯廟記十九作鎮東軍墻墜廟記

墻墜

墻作墻傳於史冊

冊作因遷公署

缺因

湊

湊作據

雁

雁作與西使始牧

作與漢

煖

煖作

綏綏

綏作

効靈効

額

額作永安吾土

永誤

右碑題重修墻墜廟兼奏進封崇福侯記而額稱崇

福侯廟之記顧甯人朱錫曾但稱爲鎮東軍墻墜廟

記者未見其額也記文吳越王鏐撰前十行後八行
字大徑寸中列敕文六行字大徑二寸許此式他碑
所未見龐玉嘗守越州旣沒州人祀以爲城隍神至
是請於朝而得封號敕文云頃因剖竹之辰實有披
榛之績剏修府署綏輯吏民此其行事之略也王之
名唐書附見四世孫堅傳云嘗爲越州都督非總管
又云爲領軍武衛二大將軍召爲監門大將軍不云
右衛皆與碑文小異未知孰是碑末武肅署銜云啟
聖匡運同德功臣云守侍中亦五代史所未載也

潛研

堂金石
文跋尾

碑立於開平二年歲在辰按是年吳越改元天寶而碑仍書梁號此與杭州慈雲嶺記篇首稱梁單闕之歲相同可見錢王當日雖僭號改元而於中原正朔未嘗竟削而不用也

兩浙金石志

新五代史稱梁太祖卽位封鏐吳越王兼淮南節度使舊五代史止言乾甯四年鏐乃兼鎮海鎮東兩藩節制梁祖革命以鏐爲尙父吳越國王此記作於開平二年結銜稱淮南鎮海鎮東等軍節度使梁祖敕亦云況錢鏐任隆三鎮功顯十臣與新史同而舊史不書兼淮南節度者闕文也

平津讀碑記

碑文有朝恩與西使始牧齊標句西使始牧四字未詳且與下句秦繼不對萬厯府志金石萃編兩浙金石志俱作漢牧但石刻實此四字不知諸書何所據也敕中以頃作傾二字古通用牆字王西莊十七史商榷云牆從牀省聲不從土則俗體也武肅署衙攷吳越備史鎮海鎮東節度檢校太師守侍中兼中書令俱唐代所授惟封吳越王賜功臣號兼淮南節度乃梁開平元年所加敕封亦元年九月事立碑在次年爾 龐公莅越嘉泰會稽志言越州太守題名記與新唐書所載不同云詳馬萬頃所述傳而未加考

核馬傳志既不錄文亦別無所見余因爲訂正之按
題名記云武德元年十二月自武衛將軍授二年七
月除揚州都督新唐書傳云由領軍武衛二大將軍
爲梁州總管徙越州都督召爲監門大將軍記傳皆
出於宋代在是碑之後今碑稱右衛將軍總管則傳
誤而記得其實矣但記以爲元年所授殊未可信無
論高祖方受隋禪杜伏威李子通沈法興等蟠踞江
南未聞嚮化唐豈能踰境而命官一也舊唐書薛舉
傳秦王使將軍龐玉攻賊將高羅暉於淺水原淺水
原之戰高祖本紀繫在元年十一月是公方從太宗

西征無由至越二也唐書百官志武德七年始改總
管爲都督何得於二年七月有揚州都督之除三也
至揚州當係梁州由音近而訛可置弗論攷舊唐書
地理志曰越州中都督府隋會稽郡武德四年平李
子通置越州總管管越嶲姚鄴浙綱衢縠麗嚴婺十
一州因悟是時東南甫定越州實爲重地故特以簡
公子通之平在四年十一月公殆於十二月受命則
記所謂元年者四年之誤也題名記於公後列李嘉
闕校嘉云武德三年授校云武德四年六月自左領
軍將軍授按武德三年會稽方屬子通嘉果爲此官

則爲子通之將與輔公祏反淮南時命其黨左游仙爲越州總管者事同一例記何必書若校則於六年春夏之交從伏威入朝拜左領軍將軍至八月公祏叛乃從趙郡王孝恭討之計其授官應在斯時唐書本傳始末瞭然是記載校除官年月全非事實大約公移梁州當在六年七月以前公祏肆逆時公已去越故事蹟無所表著而越遂爲游仙所據使公在宜有以制之矣余意此時總管當爲李嘉迨郡陷沒嘉或死或罷而校代之是記所謂二年者非五年卽六年之誤也惟記作由越徙梁而傳作由梁徙越事無

左證未知其孰是耳

越中金
石記

此碑疑經重刻故有西使始牧之訛

會稽鍾公墓誌

方一尺一寸四分廿三行行廿四字
字徑四分許正書間雜行體在洛陽

大梁故會稽□鍾公墓誌銘□□

夫鍾公者越國滁州人也名之祖諱□守本州都押衙
父諱□亦守本郡都押衙咸通八載□□土奄至蒼卒
終於本郡金□里葬於北李山當亡之日公年廿有三
後因大國□乱遂拋□也亦遂軍於他地亦効力於干
戈初投 梁主之日仰沐 □留特補節度押衙兼

充後博使主務一十三年至龍紀元年□□□同□□

令□□□□并主馬務加銀青光祿大夫檢校□子祭

酒□□□大夫上柱國至□□□□□其重課□

敢□□□之心□□□憂□□□王□□心之

□□□其遐筭□□帝恩何□□□□□□

甚請名醫而無□□神祇之不祐雖服五色之□□

不□金□夕□□□忽□□風□□□之□□

辛未□□月□生明享年六十有九終於□師□□

□□□□□□至四月十九日葬於□東北邱山之

下□□□□□□□公有弟一人名景元先□□歿

有妹一人適□氏公□□高氏之女生育四子女子

□人適□氏長男知□□□□北□□塋之

東南地□□□次曰知進□□□日□□□□

使公逝之後□□□□□次曰知□次□□□

□□□□□歷其出□□□□□之門□□□□

□□□□□

□□□□□氏惟公□□□時□佐□□主人

□□□□□

□失□□□□□德令後嗣□孫恕

□□□□孫女一人名小

下泐此
數字較小

右鍾公墓誌在洛陽存古閣鍾公之名似是遂字
其祖若父名亦已曼患文前有龍紀元年字後云
開□辛未□□月□生蓋開平辛未卽乾化元年
是年五月始改乾化此志作於四月故尙稱開平
也石已剝蝕拓亦不工所見如此而已

獲嘉李琮造象記

高三寸廣四寸五分八行行五字至
七字不等字徑四分正書在洛陽

李琮懷州獲嘉續村人也奉爲亡過父母造觀世音菩
薩願領此功德往生淨土見佛聞法大梁軋化五年乙

歲亥六月三日記

右李琮造象記在洛陽龍門山乾化爲梁太祖年
號無五年乙亥爲貞明元年稱乾化五年乙亥歲
者末帝仍稱乾化乙亥十一月始改元貞明也貞
明元年當唐天祐之十二年法字失刻添注於右
大字作反文

惠光舍利銘

高一尺一寸五分廣一尺二寸五分
十八行行字不一字徑五分正書

大梁故城西麗景門外北壁上乾化三年春三月 長
老惠光和尚建置禪院至五年歲次乙亥三月庚辰朔

十二日壬申遷化十四日焚燒德感應 舍利京都人
衆皆頂謁其年十月八日禮葬於 洛都當院內故記
於 舍利銘記

院主僧行堅 弟子師德

都維那頭劉景廿六人王憲璋 雷師因 維景

任師進 劉璋 王溫 李璋 張武 李岳

楊師遠 韓道 馬建 王昌 張厚 邊

真 張立 王球 李虔 孟裕 劉宗 卓

歟 李勛 王洪 張師朗 崔惠通

念金剛經社女弟子維那梁師智 師因 師汝

師文 師惠 巨師全 師思 師道 師順

師堅 師太

女弟子師智廿五人師會 師定 師賢 師厚

師佺 師戶 師連 師進 師明 師言

師受 師信 師來 師廷 胡氏 周氏

卓氏 田氏 張氏 潘氏 丁氏 李氏

翟氏 姚氏 關氏 張氏 程氏 雷彥稱

雷彥實 薛章 范氏

此二字在末行下方

冬三月王溫書 吳興沈璠鑿

乙亥十一月改元貞明惠光卒於三月葬於十月

故仍稱乾化是年三月辛酉朔此云庚辰蓋月在
庚辰也冬三月當是十二月

南溪池亭及九龍廟記并陰側

高四尺四寸廣二尺廿六行記廿行行五十一至五
十三字前後各三行行字不一字徑七分正書篆額
三行題新修南溪池亭及九
龍廟等記十二字在大荔

新修南溪池亭及九龍廟寺記

忠武軍節度同禧葺州觀察處置葺使光祿大夫檢
校太傅使持節同州諸軍事守同州刺史兼御史大
夫上柱國武昌郡開國公食邑二千戶程暉

同禧觀察判官朝議郎檢校尚書兵部郎中兼御史

中丞柱國賜紫金魚袋蔡曙撰

沙海之北滹沮之陰有地外阜而中坳對山而近郭廣
狹所□□頃有餘囊括景物之容崛起形勝之質藏奇
隱恠實天設焉按梁載言十道誌云馮翊縣東南八里
有泉九穴同流卽此處也唐咸通中太守王公龜爲理
之暇以其遙瞰蓮嶽葺亭而名之庚子年大寇犯關遂
至燼滅軋岷歲連師李公瑋再營斯構兼立龍祠塑貌
不嚴檟楠草創雪祀止容於舉爵牲牢莫展於加運棟
宇雖存纔庇像設而已邇來亭沼堙毀舊跡微留數政
事多無力及此鞠爲蕪葦二紀有餘 我太傅武昌

程公 佐命於經綸之始竭節於草昧之初許 國卽
漢礪盟勲過庭乃 萊衣承慶一門之內四世同榮位
高而愈見謙和功顯而略無矜伐昔韓侯拜將家不待
於問安紀騰養親官不聞於列戟古今倫擬未有如

我公之盛美矣加以禮賢而曾彰比節寬仁而不怒
讎龔爰自璧田主留仗鉞斯鎮下車而隣無不睦攀轅
而人尙去思時屬兵火初銷里無完室戎馬所及野有
闕田先條薄賦之利次論恤刑之典簡靜而每容小過
廉平而唯舉大綱先以惠養復逋逃次以繕脩嚴雉堞
廩食足而武備斯壯民瘼除而閭里自康湯湛濬滯雲

嘉金壘孜孜四稔急務皆周一□謂都監尙書及

副車司空諸從事曰此所關者宴賞之境矣遂親選勝

槩爰及斯地乃命都指揮使劉敬德左靜安指揮使丁

約已下及元隨都押衙貢建付以營建之謀示以製置

之略繇是剪蕪穢築基址疏三池做八亭制度悉有平

等差岸許各分其涯浹或延薰風而滌煩熱或面大野

以豁襟靈玉柄罷搖九曲靜□其洵湧雕甍未曉三峯

已顯於嶙峋然後再廣龍祠殿添鴟尾重開創設環堵

遍修廂兮挈攬之形離立鬼神之將並新彩繪表裏圻

塲造匝匝之長廊引前後之簷廡室分胙傳盃之地廣

三醉萬舞之庭兼以群川輻湊衆派同流若暑雨暴飛
狂波突至不先有備必貽後憂別開斗門俾其通注式
咸連山之勢免興捧土之譏請將盡稟規繩一無漏略
而又遠移藁菱多放脩鱗虵盤而磴道綠崗蜺闕而雙
槁夾砌列植五千餘樹爲圓三百餘畦若榴與桃李分
行檣梧共杉松間色高榭藉雪方灑落於嵒康翠帶接
煙學雍容之張緒莫不衆盆共擁一溉無停紫牙暗接
於陳根綠幄別添其新蓋藹辛蘭馥各自任於天和夏
實春榮都不知其移致大興畚鍤纔浹三旬倏然殊勝
之功化出神仙之境有秀皆納無竒不呈愜目暢心不

可譚悉緩季鷹之歸思堪釣鱸魚資山間之膝遊何須
習治樂就而衆皆稱善悅使而人不告勞至於犒賞所
須材石之費悉自清俸固融一無擾於州縣若夫花光
月燭之時促席汎舟之興駕肩疊跡舉白飛觴岸幘醺
顏遊人相顧而言曰此是壺中天地洞府春光又不知
白蘋亭罨畫溪復何如焉噫王公始作而未究其妙李
公繼踵而同盡其工豈非天留盛事要顯我公之

心匠乎陳留蔡曙獲預賓席奉命而實錄其事□□

入詠夢未驗於神傳篆貝度辭妙有慙於祖德貞明三
年丁丑歲春三月二十七日記

西頭供奉官充忠武軍兵馬都監金紫光祿大夫檢
校吏部尚書兼御史大夫上柱國鮑長新

節度副使銀青光祿大夫檢校司空兼御史大夫上
柱國劉守衡 節度判官通議大夫檢兵部尚書兼
御史大夫上柱國譙縣開國子食邑五百戶錫紫金
魚袋曹鈞

同禧觀察支使將仕郎檢校尚書工部員外郎兼侍
御史賜紫金魚袋王傳範 節度推官將仕郎監察
御史裏行夏侯龜符 攝同禧觀察推官將仕郎前
守陳州西華縣令朱蔚

碑側

兩截上截十行下截五行行字不一字徑五分

缺都指揮使金紫光祿大夫檢校尚書左僕射兼御史大夫上柱國程希曾

缺都押衙銀青光祿大夫檢校尚書工部兼御史大夫上柱國徐瑑

缺都押衙銀青光祿大夫檢校戶部尚書兼御史大夫上柱國王謙

缺都虞候銀青光祿大夫檢校刑部尚書兼御史大夫上柱國薛章

缺軍指揮使管第一都銀青光祿大夫檢校左散騎常

侍兼御史大夫上柱國孔知潛

缺步軍都指揮使管第一都銀青光祿大夫檢校國子

祭酒兼御史大夫上柱國馮彥章

缺指揮使管第一都銀青光祿大夫檢校刑部尚書兼

御史大夫上柱國時輦

缺將指揮使管第一都銀青光祿大夫檢校尚書左僕

射兼御史大夫上柱國黃鐸

缺馬軍指揮使管第一都銀青光祿大夫檢校戶部尚

書兼御史大夫上柱國王公液

缺馬軍指揮使管第一都銀青光祿大夫檢校左散騎

常侍兼御史大夫上柱國□翊

以上上載

銀青光祿大夫檢校工部尚書守別駕兼御史大夫上

柱國韋彥珣

朝散大夫行錄事參軍柱國楊勣

攝司工參軍將仕郎前守德州

平昌縣主簿董美明

攝馮翊縣令將仕郎前守均州武當縣令張光遠

朝議郎行馮翊縣主簿柱國張諤

碑陰

右方銜名十一行行字不一字徑六分左方文十三行行六十三六十四字字徑五分並正書

都部署押衙充馬步都指揮使兼左衙步軍指揮使

管第一都銀青光祿大夫檢校工部尚書兼御史大夫上柱國劉敬德

押衙充左靜安步軍指揮使管第一都銀青光祿大夫檢校國子祭酒兼御史大夫上柱國丁約

監修元從押衙充都押衙兼親事都頭銀青光祿大夫檢校工部尚書兼御史大夫上柱國貞建

同押衙充左靜安步軍第三都頭銀青光祿大夫檢校兵部尚書兼御史大夫上柱國鄭瓌

同押衙充右靜安步軍第三都頭銀青光祿大夫檢校太子賓客兼御史中丞上柱國柳瓌

同節度副使充左衛步軍第四都頭銀青光祿大夫
檢校太子賓客兼御史中丞上柱國吳溫

散兵馬使充右衛步軍第四都頭銀青光祿大夫檢
校太子賓客兼侍御史上柱國周萬崇

散兵馬使充右靜安步軍第四都頭銀青光祿大夫
檢校太子賓客兼侍御史上柱國張君祐

散兵馬使充左靜安步軍第五都頭乙章

押衙充通引官董遷 子將充客司虞候劉延祚

同正副將充都料蕭立 張遇 党韜 刻字焦行

滿

押衙充表狀孔目官趙森書并篆額

九龍廟述

節度推官將仕郎監察御史裏行夏侯龜符撰

梁癸酉命

公子許受鉞于同同卽潼之西北實國

之樞鍵與奧區也非申威卹下未之得守□□□吏與

暴靡留其居明不仁者遠矣迨至問安涼枕養兵撫

俗暇日嘗搜景訪奇得九龍泉厖卽儀形頽圯池乃草

穢泥昏繇是度木揆功衆工畢至其始也樹烟柳以蔽

鷺植脩梧而待鳳綠竹覆漣漪青松夾崖岸果乃沉水

之□凌霜之桃池則魚鳥游泳亭臺掩映磴道廻旋景

物萬狀前文具美不復舉書一日斤斧休畚鍤已公

請監使與副車已下泛綵艦順流而下釋棹登車不

二□□豁然乃閬苑瀛洲也卽昔人悞桃源不知漢代

斯語非誣蓋夾岸花拆蓮塘水平然也泉之次廊廡屹

立 廂貌森然三龍附其神其六乃蟠屈蜿蜒穿石若

閬拏壁□飛電光閃爍如□其中雷聲劃裂若殷其側

厥狀駭目也如此其神眇響也如是其春也繡轂香車

玳簪珠履駢羅綺陌匝匝芳蹊俯而視之乃澄潭不流

湛然如□虛其中涵其色萬慮不生衆煩如洗卽武陵

蘭亭未足矜也其夏也披襟避煩清風□起熯氣頓銷

伏暑攸輝屏輕箴揖清觴筵飛白玉盃池躍黃金鯉鱗
羽遂性笙歌蕩情卽毗陵芙蓉吳苑虎邱未可侔也其
秋也鷹隼擊高風池塘斂輕翠踈紅墜葉遠樹收煙得
以命□友泛霜英鵬絃遞奏鳳管徐吹松影當軒山光
入坐卽高□□家未爲致也其冬也芰荷香老松桂風
生雪擁階而詞客吟酒滿卮而公子醉四時之景備矣
我公□假之智神沃其心不然何以立竒趣与嘉
境如是耶龜符叨□幕席提筆求知因爲雜言覽景直
書不事繁飾詞曰左馮東南七八里九龍幹出三池
□涵虛萬狀簇其中脩鱗拔刺澄潭裏此來不與已前

同致人襟袖□□□□□臺如化出若非天設卽神
功面前斗削三峯立池中掩映山光濕山与池兮兩相
借神与龍兮爭變化雲溶溶雨瀾瀾尺□如膏三月半
老人言是龍□□□□我且□憑石高厖爐煙有所因
分明感 我元戎力

式咸連山之勢咸讀爲減衆盆共擁盆當作溢肝
響誤作昉揖清觴揖當作挹拔刺卽潑刺

後唐

中書令王鎔墓誌

高三尺五寸廣三尺六寸四分四十
四行行字不等字徑六分在正定府

上同三司守太師兼中書令鎮州大都督府長史上□

□第二行上
下空

上大夫□□禮部尙書兼御史大夫賜紫金魚袋盧
質撰

上校尙書□部郎中兼御史中丞賜紫金魚袋任□
書并□□

上二□□居無何賊起黃巢兵經下涉險九州版盪

唯茲全趙□□安邦一百五十年間中外上有□有恒

不潛不濫相承四世光輔十朝下有□及其叔世□

□□□於□□邦得同其□雖爲常數良上山發源

始於□□至于□代乃有太原瑯琊分彼二流

十一行上

並湧上

之□也□忠力於邦家□捍蔽於

下湧上等州觀

察處置等使金紫光祿大夫檢校太傅同中書門

上湧封

二百戶贈太師謚曰忠在

下湧上

山□□□□□爵爲盛

□銀青光祿大夫檢校尚書左

上湧

命□累贈司空司

徒太尉太傅在

下湧上

三□□□□封人臣之

下湧上

皆踵

前脩考終令□□曰忠穆

下湧上

二十行上

湧中

四年□

授鎮州兵馬節後來年起復真拜繼世焉以

上湧

太原郡

開國子食邑五百戶在疾畢喪非公事

上湧

相□信睦交

修中和五年加開府

上湧

檢校太保封常山郡王文德元

年又昇太傅

上

封□百戶□順元年就加檢校太師未

幾授澤潞邢

上

五年□□□書令進封北平王增爵共

六千戶實封

上

賜敦□□之久大功臣來年又冊拜太

師增爵一万

上

遠圖無何事晉防萌衆迷逐末納羈新

於

上

由茲一□乱構兇徒毒流□氏屠害全族殘

行上

空

上

夫人隴西李氏父李全義皇任檢校工部尙書

不越旬日被害

上

守侍中次曰昭□□□□□□□□

□□部落都知兵馬使檢校皆

上

推官李

下

上

懷□惠

六經大□何止於救患卹鄰五下

上

前□□□□□□□□

符習

下

天祐十八年秋八月大□□□□□□□□

上

公舍

下

上

吳興劉氏

伐□□□而終賊男康瑾□父自立康球□煞其兄十

九年平

上

以□□□□幽寃蓋明義舉今以青烏□吉

丹旄有歸

下上

十二月廿□日

勅

趙國夫人合葬於真

定縣新市鄉廉頗里壽陽崗耐于

冊一行上
泐下空

上勅府

螯手之蛇

反噬之虎

梟獍興祇

恩義□

□全族盡亡

上

師一興

飛走無虞

逆首就擒

屬封尋撫

衅血□□

申寃告□

冊

四行上
泐下空

右志銘盧質撰任□書上載漫滅殆盡下截亦殘泐

石向在正定府城北五里鋪旁李家莊村外土人壘

爲神案道光丁酉余訪得之遂致諸郡廨今存城內

崇因寺碑爲宋以來金石家所未見著錄自余始盧
質兩五代史有傳薛史質傳莊宗十六年轉節度判
官檢校禮部尙書此碑列銜禮部尙書上當是檢校
二字又任君其名殘泐或疑爲任國攷立碑時任國
拜工部尙書兼真定尹北京副留守知留守事而此
碑列銜爲□當是檢字校□部郎中兼御史中丞其非國
可知或是國之子弟今無可攷碑第一行存同三司
守太師中書令鎮州大都督府長史上十八字同上
當是儀字上下當是柱國二字攷銘加中書令在昭
宗光化元年及朱全忠篡唐又加尙書令舊唐書銘

傳僞梁加尙書令及唐室中興去僞尙書令之號此
志稱中書令而不稱尙書令正與史合又志云相承
四世光輔十朝攷王庭湊以穆宗長慶二年正拜成
德軍節度使至鎔實有五世此蓋謂鎔承庭湊至景
崇四世之業耳又穆宗至哀帝僅閱九朝志云十朝
者乃并後唐莊宗數之也又志有太原瑯琊分彼二
流之語攷庭湊本回鶻阿布思之種族世隸安東都
護府非中原舊族志蓋欲攀附華胄以爲榮耳志云
上渤等州觀察處置等使金紫光祿大夫檢校太傅同
中書門下渤又上封二百戶贈太師諡曰忠者鎔曾

祖元逵也等州上當是成德軍節度使鎮冀深趙九
字同中書門字下當是下平章事四字二百戶上當
有太原郡開國公食邑二千戶食實封十四字敘銜
大略與史合惟史無金紫光祿大夫其曰銀青光祿
大夫檢校尚書左下又上勳累贈司空司徒太尉太傅
者鎔祖紹鼎也志中列銜可辨者大略與史同惟銀
青光祿大夫傳作光祿大夫蓋誤脫銀青二字宣宗
本紀正與志同左僕射本紀作右僕射誤志又有曰
忠穆者乃鎔父景崇之諡其列銜全勳僖宗本紀中
和二年十二月王景崇卒贈太傅諡忠穆遺表請以

子鎔鑽繼戎事遂以鎔爲留後志云□□四年□授
鎮州兵馬留後來年起復真拜繼世焉四年上當是
中和二字攷舊書宣宗本紀王景崇傳新書方鎮表
兩五代史王鎔傳皆云景崇卒於中和二年新書紀
傳作三年皆與此不合志刻於王鎔死後之一年不
當有誤豈史之失實耶唐書鎔傳鎔十歲三軍推爲
留後朝廷因授旄鉞檢校工部尙書志有封太原郡
開國子食邑五百戶史傳無之又志云中和五年加
開府鎔傳有之而不詳其年月志云_上檢校太保封
常山郡王文德元年又昇太傅又有_上封□百戶文

苑英華有授王鎔常山郡王羅宏信長沙郡王劉仁
恭彭城郡王制史皆不載其冊封年月宏信仁恭傳
亦然攷兩唐書僖宗本紀宏信爲魏博留後在文德
元年二月其殺魏博帥樂彥禎在是年四月文德元
年卽光啟四年本紀文德元年二月戊子上御承天
門大赦改元文德據此則宏信正拜節度封長沙郡
王已在改元文德之後王鎔與之同制卽係同時冊
封志文敘其事於文德元年昇太傅前未知何故又
志敘□順元年就加檢校太師未幾授澤潞邢下攻
順上當是大字大順爲昭宗第二紀元加檢校太師

史亦不載其年昭宗本紀太順元年五月以成德軍

節度使王鎔爲太原東面招討使

新書在六月辛未方鎮表作龍紀元

年志云授澤潞邢者當是澤潞招討使三州在太原

之東故曰太原東面招討使也志又云上勅五年□□

□書令進封北平王增邑共六千戶實封下攷方鎮

表光化元年王鎔加中書令五年上當是乾甯二字

進位中書令在八月改元以前故猶稱乾甯五年又

方鎮表乾甯三年鎔加侍中唐書五代史皆不載志

文五年上率漫滅不能辨其加侍中當敘於此進封

北平郡王史失載蓋亦乾甯五年事也志又有上勅賜

敦□□定久大功臣來年又冊拜太師增爵一万

下

攷舊五代史鎔於昭宗朝賜號敦睦保定久大功臣

位至成德軍節度使守太師中書令趙王梁祖加尙

書令唐書作敦睦保定大功臣無久字與志文及薛

史異當從碑爲正志云夫人隴西李氏父李全義皇

任檢校工部尙書

下又

上不越旬日被害全義兩史

無名志又有

上

守侍中次曰昭

□□□□□□□□

部落都知兵馬使檢校太保皆

下

攷薛史鎔傳長子

昭祚亂之翌日張文禮索之斬於軍門志云守侍中

當是昭祚之官史失載其曰次昭□者疑卽鎔次子

昭誨惟五代史作檢校太傅而碑作太保蓋史文之

謫又志云

上

前

□□□□□□□□

符習

下

符習

兩五代

史有傳志云

□□

而終疑卽文禮傳所云文禮病腹

疽及聞史建瑋攻下趙州驚悸而卒事其云賊男處

瑾處

□□□□

又曰

□□□□

煞其兄攷文禮有三子

處瑾處球處琪城破獲之爲鎮人所醢無兄弟相殺

事此云煞其兄殊不可解天祐十九年卽後梁龍德

二年唐莊宗仍用天祐年號見五代史志云十二月

廿

日

□□

趙國夫人合葬於真定縣新市鄉廉

頗里壽陽崗附於

下

攷新市鄉府縣志不載元和郡

頗里壽陽崗附於

下

攷新市鄉府縣志不載元和郡

頗里壽陽崗附於

下

攷新市鄉府縣志不載元和郡

頗里壽陽崗附於

下

攷新市鄉府縣志不載元和郡

頗里壽陽崗附於

下

縣志恆州開元有鄉八十七元和有鄉七十口此其一也正定縣志縣北十里牧莊有三塚相去百步許相傳趙廉頗李牧藺相如葬此史記廉頗卒於壽春清和趙州靈壽皆有頗塚後魏書藺相如塚在新樂不聞真定有塚牧莊在北牛社與北十里鋪相近其地疑卽唐之廉頗里三塚或卽王鎔之祖塋薛史鎔傳所謂葬於王氏故塋者疑卽在此後人因里名廉頗王鎔王趙遂合而名之謗爲趙廉頗諸人之塚云

常山貞
石志

右志載常山貞石志以拓本對勘之不無闕謗十

六行鬱誤爲爵十七行命誤爲寸命上似是三字
沈氏作一恐非十九行闕皆前修考令五字又踵
誤爲鍾廿一行缺中字廿六行爵誤爲邑廿八行
缺遠圖二字廿九行毒流下所缺沈氏作一審之
決非一字然不可辨矣三十五行缺惠字三十七
行缺舍字三十八行多一處字缺立處球三字又
誤父自爲又曰其男上一字沈氏作賊恐亦未是
姑從之又七行下多小註下空二字至拓本模餉
者仍依沈氏錄之俟覓得佳本再爲校訂此本殊
不精也

重修法門寺塔廟記并碑側

天祐二十年四月二十九日

革編載卷一百十九

時間半偈

闕誤開

寶塔

塔作

傳經既自於西天

缺自立

鴻勲於多難之秋

勲誤

風尙□門

風誤

俄□天

龍□□□□吹沙

缺俄

并鑄造八面

缺鑄

降龍座下

缺座字

碑側

五行行字不一字徑六分正書

天祐二十年歲次癸未四月乙巳朔二十有九日癸

酉建立

都維那內大德惠勤

上座講經大德賜紫□暉

寺主內講論大德賜紫詮

琦

左□□軍□軍使充□□軍

候

金紫光祿大夫上柱國

李彥鋼

上泐不辨幾字

使特進守左威衛上將軍□城縣開國□食邑

五百戶上柱國劉源

附

宋張渥題名

一行二十四字字徑一寸四分正書

嘉祐六年四月十九日監岐陽倉稅三班奉職兼巡防

張渥題

萃編未見碑側据作記年月列天祐十九年

李崧殘字

高一尺八寸五分廣七寸存二行行
存字不一字徑二寸許分書在華陽

上關九關字之直和稱之正下

上關五關之奇箴恭川李崧下

秦武域辦香錄云漢殘碑石一塊在成都武侯祠神
龕旁完好者十二字存半可讀者三字一行云如弦
之直如稱之平又一行云之奇箴恭川李崧未審爲
何碑筆法古勁其爲漢隸無疑相傳此石得之錦城
武擔山雜於荒石中乾隆十二年華陽令聊城安洪
德安置於武侯神龕旁漢隸字原云漢碑存者凡三
百有九今存者已無幾此碑雖數字豈忍忽諸

四川通志

恭川李崧殘字八分書似漢末人書

潛研堂目

案李崧五代史有傳崧深州饒陽人鎮州參軍擢興聖宮巡官拜協律郎魏王繼岌伐蜀以崧掌書記自蜀還明宗革命任團判三司用爲鹽鐵判官

薛史作推官

丁憂還里服除鎮州掌書記拜拾遺直樞

密院累遷戶部侍郎端明殿學士

薛史云直樞密院遷補閣起居

郎尙書郎充職如故長興末改翰林學士清

唐

泰初拜端明殿學士戶部侍郎較歐史爲詳

晉高祖召爲戶部侍郎拜中書侍郎同中書門下

平章事兼樞密使丁內艱

薛史召爲戶部侍郎判戶部又云廢樞密院事

歸中書加尙書右僕射從幸鄴

出帝時兼判三司

丁外艱歐史兩書內艱殊誤

與馮玉對掌樞密契丹入洛拜太子太師

薛史太子太師

充樞密使

歸漢後爲蘇逢吉等構陷伏誅此刻無年月

當是入蜀時所書在後唐莊宗年間也

經幢三種

常庭訓尊勝大悲幢記

高三尺五寸五分八面面廣四寸五分每面四行字徑五

分第八面題記三行字徑四分行字均不一正書

佛頂尊勝陀羅尼

大悲心陀羅尼

夫常庭訓伏爲先亡妻孫氏發願造

尊勝大悲幢

子壹所伏願

亡妻生居淨土

早獲人天

每

近西方之極樂 常聞化惠之聲吟 今則功德圓

就上報 慈悲但以九類四生盡霑勝果 男郭七

女阿檀

天成三年歲次戊子四月丙子朔五日 建立

右常庭訓幢爲其妻孫氏薦福而造化惠疑華會
之誤類卽類之俗梁貞陽王淵明隋高開道操師
乞林士宏唐安慶緒俱號天成三年歲次戊
子則後唐明宗也

淨土寺僧思敬等尊勝幢記

下缺高四尺七寸八面
面廣四寸七分七行行

七十餘字字徑五
分行書在鞏縣

佛頂尊勝陀羅尼經

維大唐國洛京河南府鞏縣淨土寺今於當寺建
尊勝經石幢伏願 皇風永扇玉葉連芳內外群臣
惟忠惟孝次願鎮縣官寮惟清惟政先亡父母師僧
和尚及兄楊簡姪楊璠缺當處土地護伽藍神前後
亡歿師僧仗自所年兵革非禮煞傷此勝因早證菩
提之道 長興三年壬辰歲八月己酉朔廿三日
辛未建立鞏縣淨土寺主僧思敬小師惠趙

右幢見於中州金石攷末題長興三年八月己酉

朔廿三日辛未以通鑑目錄攷之是年八月庚戌
朔十月已酉朔與此不合疑八爲十之誤是年七
月辛巳朔八月朔日不得值已酉也

樞密使朱宏昭尊勝幢記

高四尺二寸每面廣四寸
三分各四行行字不一正

書在洛陽
存古閣

佛頂尊勝陀羅尼之幢

在真言之上字徑
一寸二分許行書

加句靈驗佛頂尊勝陀羅尼真言

竭誠推戴安邦保運功臣樞密使開府儀同三司檢校
太尉兼中書令上柱國沛郡開國公食邑三千戶食實
封三百戶朱宏昭

伏爲

清河郡夫人張氏□□建造此

佛頂尊勝陀羅尼幢一呎一伏願承茲良因殊福
轉生淨境見佛聞法

甲午歲閏正月
一日壬寅朔二十三日甲子建

右幢拓本僅見五面其一面或無字也紀年但書
甲午不著建元按五代史唐臣傳朱宏昭太原人
代趙延壽爲樞密使加同平章事此署開府儀同
三司當卽同平章事也其檢校太尉兼中書令新
史不言之舊史云超加中書令又云檢校太傅則

與此不符至功臣號及上柱國沛郡公食邑實封
兩史皆未詳及紀年書甲午蓋閔帝應順元年也
宏昭卽於是年三月赴井而死其轉生淨境乎通
鑑目錄是年正月壬申朔此言閏正月壬寅朔亦
合

程光遠等造象讚

高三尺一寸廣存一尺一寸前八行題名年月
七行行四十字字徑六分行書在洛陽存古閣

上缺十字
□□捨□財遂刊石鏤□□□_下者歸依礼丰功

德况乎

大士果圓十地道滿三祇_{缺五}王却住

琉璃國上戒□开□□□世界或救娑婆濁惡衆生令

離苦源超昇極樂於是手搯□

字三

而聲振三塗掌捧

玉珠五色而光□

衆苦使劍樹刀山之鋒刃成芙蓉疊

翠之芳條鑊湯炎猛之

字三

涼冷波濤之淥沼此我苦

薩願力具大士神通若不如然因何出離今則功圓果就鑊玉寶金鎖□□之無彊保筭沙之不朽讚曰

大國神京

士庶英明

敬僧重法

攝念修行

其授

金擲玉

精藍植福

歿後津梁

生前脩旦

其二刊石

記名

表敬心精

天曹地府

冥部分明

其三

菩薩大

士儀容寫彼

到者發心

見生福利

其四

齋設一周

十分全收

地獄不歷

天堂去遊

其五

功德所作

顏離濁惡

法界有情 一時利樂

其六

維那程光遠

張景思

李順

趙景思

李氏

尹

氏

維

那李坦

王崇

鄧密

□□

彥勲

維那

閻洪

李暉

裴彥威

徐楚

田暉

王氏

維那張鐸

郭瓌

李彥浦

馮彥

郭景

維那

馬氏

張實

李可及

王知讓

白漢章

陳氏

李氏

宋氏

馬氏

蘇氏

李氏

劉氏

王氏

王氏

張氏

蘓氏

王氏

張氏

郭氏

王氏

張氏

維那楊法行

王氏

李氏

維那

李氏

韋溫

嚴本

張進遇

祁知訓

李氏

孫氏

□氏

王

氏 魚氏 樊氏 張氏 楊氏 王氏 郭氏 王

氏 維那王氏 竺溫 王氏 郭氏 程氏 姚

氏 王家劉氏 元氏

長興元年歲次庚寅十二月庚寅朔二十

九日戊午□ 玉冊院韓□□字

右程光遠等造象贊前半殘缺并已斷爲二矣長
興後唐明宗年號不朽作不朽碑版中甚多

華嚴院神致題字

高二尺八寸廣三尺六寸五行行
字不一字徑四寸正書在侯官

華嚴院住持主沙門神致□經石室□時長興二載季

夏十九日故題

經上所缺拓本破損審之似是看字

潁州開元寺鍾銘

高大圓徑無攷拓本高九寸五分廣一丈九寸共八十一行序銘每行九字惟有五行十字前後不一字徑八分許正書在壽州

大唐潁州開元寺新鍾銘

并序

竭忠建榮興復功臣金紫光祿大夫檢校太保使持

節潁州諸軍事守潁州刺史充本州團練使兼御史

大夫上柱國清河縣開國男食邑三百戶張廷蘊

鄉貢進士李璵撰

夫鍾爲聚噐金曰從草懸于樂府可以諧八音施之釋
門可以福羣動凡立龍象例發鯨撞汝陰郡開元寺昔
以兵革肆凌

本朝中否梵宇噐具恒有關焉未經劫火之灾早曠應
霜之韻忽有頭陀可詢翻蓬以至振錫而來言曰具願
鑄鍾必斯境也
遂次第行乞于里巷

郡守上言降

勅俞允迨於暮載勿庸舟
功是僧衆未孚其噐
郡主太保清河公稟維嵩氣槩授穀城兵
書劒彩雄稜夜射星辰之色陂澄大量秋吞渤澥之波

以德禦奸以刑靜宄民如子養道若砥平莅政之餘益敬方外欲盛饒

佛廟壯觀軍城仍

利

修崇決在鼓

鑄因自爲化首乃募得居士丁仲欽者金今義路玉瑩情田出愛浪於坦途指迷津於覺道能令曲俗皆務聖曰遂瞽其謀特揆其事設法誘勸閩郡黎元賦入有差踰時畢集愚者怯於謨始賢者勇於樂成聚銅僅百七十鈞覲主過千万數衆遠屆睢水名諸僮工有匠人羅彥瓊博研其精先利其器歲在無默律中黃鍾□盈□之辰揮鑑□之□土民雲萃□
梵沸騰良金合土

以告

功洪鏞垂簾而待扣不宛不擲載鏗載鏘海魚奮

形蟠蛟震吼昔夏王爲山林不若率九牧以成鼎今
賴侯樹因果有利賦一境以建鍾聲聞于外則而民知
啓禁福覃於遠則其罪停苦酸所貴乎

皇極之道克隆生聚之安大賴偉哉懿範無得而銘

立功立事 惟英惟賢 華鍾旣闕 濩器匪全 爲

我蒸民 寔彼良牧 爰募哲人 克崇景福 名乎

鳧氏 格于佛宮 天地爲鑑 万物爲銅 鯨鯢欺

浪 □□□ 聲 樓新竄窾 金奏噲 昏明有序

塗炭停酸 鏗鏘獲利 銘鏤永觀

長興三祀歲次壬辰十一月己卯朔十日戊子鑄

金石補正卷七十九

三

希古樓刊

教化頭陀僧可詢

計度都維那丁仲欽

維那吳景

鑄鍾都料羅彥瓌

習維摩經僧元璿書

鑄字人史知溫李廵韜

右潁州開元寺鍾銘乙亥三月諸衡伯

維銓

持贈

据金石續編云鍾高六尺圓丈二尺上截題敕大

唐潁州開元寺鑄鍾一口重伍阡斤十六字此拓

未全墨本泐處並据補之至筠清館亦載是銘譌

字不少矣案張廷蘊新舊五代史皆有傳字德樞
開封襄邑人此銘署銜大致與舊史悉合史不言
潁州刺史者團練使所兼充也上柱國清河縣男
史文略之但言清泰中進封清河郡公也至金紫
光祿大夫兼御史大夫史固不具詳矣爾雅釋天
太歲在壬曰元默淮南子同此銘作無默者蓋誤
然當時必有書立爲元者故得誤爲無也宋人以
真字代之施之釋門以施爲施亦不古

張希崇華嶽題名

清泰二年十月廿三日
萃編載卷一百十九

因謁固誤

金石補正卷七十九

言
吳興劉氏
希古樓刊

八瓊室金石補正卷七十九終